


www.BibleForChildren.org

Génesis 3




Tsonsi tsandie, Adán, tise pushema
inisian Evave. Nane tiseja poi
a'imbe chaña'si tsa'caen inisian.




Nane canjansi tsu poi Na'su
Chiga agattoen'cho tsampini
canseqque'suma ti'tsse
injama'pa'can. Canjansija jipa
pushesuma iñajampaña: —¿Noa'me ti
Chigaja jombachoccu'su quini'cco nama
añe se'pi?




Iñajampañasi
pushesuja su:
—Jombachoccu'su
quini'cco namajan añe
gi osha'fa. Tsa'ma tsa
jombachoccumbe
enttinge'su quini'cco
nameñi tsu Chigaja añe
se'pi. Ni pporaeñe'qque
tsu se'pi. Nane tsa'caen
tson'da gi pa'faya.



Tsa'ma canjansiya
pushesuma su:
—Ñoa'me paya'bi qui.
Nane Chiga tsu atesu
que'ija tsama an'da
qui ñotsse injiengepa
Chiga'caen osha'cho
majan ñotssia, majan
egave atesu'faya.



Pushesuja tsama pañamba
quini' ccoma cambia ñotssi tsu qquen
in' jan. Toya' caen tsambe na ñotssia
anqqe' susi an' da ñotssiave
toya' caen egave' qqe atesuye
qqen in' jamba nama
pishopa an. Amba
faesuma pishopa
tise tsa' ndunga
afe. Afesi
tise' qqe
an.



Amba, tso'fe fettayeqquia'caen,
injama'choni tisupa chu'cco
can'jen'choma in'jamba
ansange'fa. Ansangepa
higuera ccaquejema
anchon setsaemba
tise'pa ai'vonga
tandamba
picco'fa.





Tsa'ma Na'su Chiga
Quitsaja tsandiema ttu'sepa
su: —¿Mani qui can'jen? Tsandieja su: —Que
jombachocunga pasia'je'choma pañamba
gi chu'cco can'jemba dyopa a'tu'fa.





Tsonsi Chigaja su: —¿Majan tsu que'inga conda
chu'cco can'jen'chove? ¿An'fa ti qui ña
se'pi'cho quini'cco'su tetachoma?



A'ija pañamba su: —Que ñanga afe'cho pushesu
tsu tsa quini'cco'su nama ñanga afesi gi an.
Tsonsi Na'su Chiga Quitsaja pushesuma
iñajampaña: —¿Jongoesie qui tsa'caen
tson? Pushesuja su: —Canjansi
ñama afopoensi gi an.






Tsa'caen asi'ttaemba Na'su Chigaja
a'ima Edéni'su jombachoquie
tteyamañamba manda tise've
ñoñaqqe'su andema semañe.






Tsandiema tteyamañamba
dos Chiga sefacconi'su
sundarondeccuma ccutsian
Edéni'su jombachoccu
sombo'ttinga.





Nane tseni Edénima chiga
sombo' jefanga tise' pama
ccutsiamba si' nge matichima' qque
manda cuintsu ccafa ccafa
ccafa jaye majan tsa
Cansiaña' cho
Quini' ccongá
já catsesa' ne.




Tsomba tse'i Adán tise pushe, Evai'ccu ccuisi Evaja surie dapa tsandie du'shuve isu. Tisema inisian Caínme. Evaja Caínma isupa su: "Na'su Chiga ñanga afesi gi tsandieve isu." Omboe tsambe quinshin, Abelve isu. Nane coemba


Abelja oveja
coira'suve da.
Caínjan
andema
nasipave
sema'su tsu.



Can'jemba jai'ngae Caínjan andenga
sho'yoqqe'su nama taipa Na'su
Chiganga afeye i. Toya'caen Abelja
tseyi isu'cho oveja du'shuma
fi'ttipa yayapatssi nama ipa afe.



Tsa'caen afe'fasi Chigaja
Abelma in'jamba tise
afe'choma'qqe in'jan. Tsa'ma
Caínma ni tise afe'choma'qqe
tiseja in'jambi. Tsa'cansi Caín
iyicca'yesi Na'su Chigaja tisema
su: —¿Jongoesie qui iyicca'ye?



Tsomba tse'i fae a'ta Caínjan tise quinshin Abelma
ttu'se nasipani pasia'ngaye. Tsomba nasipani
can'jemba Caínjan iyicca'yepa
jangipa tise quinshin Abelma fi'tti.



Tsa'caen fi'ttipa jisi Na'su Chigaja Caínma
iñajampaña: —¿Mani tsu que quinshin, Abelja?
Caínjan su: —¿Ma'caen gi atesuya?
¿Ñanda ti gi ña quinshinma coira'su?
Tsonsi Caínjan tseni Na'su
Chigai'ccu condase'jene sombopa
Edénima chiga sombo'jefanga
Nod andeni ja.



Ccase Adán tise pushe Evai'ccu ccuisi faesu
tsandie du'shuve isu. Tisema inisian Setve.
Nane Evaja su: "Caín Abelma fi'ttisi pasi
tsu Chiga Quitsaja ñanga faesu
du'shuma afe."



Omboe Adánjan faesu ochociento canqque' fave
can'jemba ti'tsse tsu tsandie, pushesu
du'shuve an'bian. Nane noveciento
treinta canqque' fave can'jemba tsu pa.



Poi ande'su aindeccu egae tsincomba
canse'fasi Na'su Chigaja attepa in'jan.
Nane aindeccu poi a'ta injama'choni
egaveyi asi'ttaemba in'jansi attepa
in'jamba ñombi'ye aindeccuve
tayo agattoemba.



Nane Tise agattoen' chone asi'ttaemba
injama' choni ñombi'yepa su: "Pa'cco
andema gi ccuchaya poiya'cco ña
agattoen'cho aindeccuma
sefaeñe."



"Nane a'i, osha'cho cansepa andenga
jacañque'su, andenga manguque'su,
sefani chhajeqqe'suma'qqe gi
ccucha fi'ttiya. Ñombi'ye gi
tise'pave tayo
ñoñamba."




Tsa'ma Na'su Chigaja Noéma ñotsse in'jan.
Noéjan tres dutssi'yeve an'bian: Sem,
Cam, toya'caen Jafet.



Nane Chigaja va andeni'su a'ima
tsain'bitsse in'jamba Tise
Dutssi'ye fae'ccoama a'inga
afemoen cuintsu poi'yi'cco majan
tise've in'jan'chota catiyembe'yi
Chigai'ccu tsangae
canse'faye.



2



60



Romanos 3:23

Nane poi'yi'cco tsu egae tsin'con'fa. Chiga ñotsse
in'jan'chove nafattumbipa poi'yi'cco tsu shacapa'fa.

Romanos 6:23

Majan egae tsin'con'ninda Chigaja tsangae paya'choi'ccu
afepoeña. Tsa'ma majan Jesucristoma tisu na'suve
in'jan'ninda Chigaja tisenga afeya cuintsu
tsangae canseye.

Hebreo'su 9:27

Nane poi'yi'cco a'i tsu fae seyi pa'faya'cho. Tsa'caen
pasi tsu Chigaja Tise'pa canseite tsin'con'chone afaya.



Efeso'su 2:8,9

Tisuyi qui ccushaye osha'fambi. Tsa'ma Chigave
in'jansi Tiseja que'ima in'jamba ccushaen tsangae
canse'faya'chove. Nane Chiga aquia afe'cho
tsu. Tsa'cansi semamba qui ccushaye
osha'fambi patsuye afasa'ne.

Romanos 10:9,10

Que'i aya'fai'ccu: "Jesúsja ña na'su" qquen supa tisu
injama'choi'ccu "Chigaja Jesúsma pa'chondeccu'ye
qquendyaen" qquen in'jan'da qui ccusha'faya.
Nane injama'choi'ccu in'jaña'cho cuintsu Chigaja suye:
"Queja ño'a." Toya'caen tisu aya'fai'ccu Jesúsve
in'jan'choma condaseya'cho cuintsu
Chiga que'ima ccushaeñe.



Juan 3:16,17

Nane Chigaja va andeni'su a'ima tsain'bitsse in'jamba
Tise Dutssi'ye fae'ccoama a'inga afemoen cuintsu
poi'cco majan tise've in'jan'chota catiyembe'yi
Chigai'ccu tsangae canse'faye.

Nane Chigaja Tise Dutssi'yema moembi cuintsu a'i
injama'choma somboeñe. Tsa'ma poi'cco a'ima
ccushaeñe tsu tisema moen.

1 Juan 5:11-13

Qquen tsu ñoa'me Chiga su'cho: Chigaja tayo inginga
antte tsangae canseye. Tise Dutssi'ye tsu cansian'su.

Majan Chiga Dutssi'yeye in'jan'cho tsu tsangae
canse'fa. Tsa'ma majan Chiga Dutssi'yeye
in'jambi'choa'ta canse'fambi. Que'i Chiga Dutssi'yeye
in'jan'fasi gi que'inga qquen tevaen que'i tisupa
Cristoi'ccu tsangae canse'fa'choma atesu'faye.



Génesis 3 - 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Cofán Bible (con) © 1998, Wycliffe Bible Translators,
Inc. All rights reserved.

<https://live.bible.is/bible/CONWBT/MAT/1>

©2026 Bible for Children, Inc.

www.M1914.org www.bibleforchildren.org

